



Historia di nos nacion for di Indjan



ORANJESTAD – Awe nos di BON DIA ARUBA ta presenta historia di nos nacion cu ta cuminsa for di era di Indjan, cu ta basa di epocanan Spaño y pa epoca Hulandes, y awo pa e constitucion moderno di un pais. Saliendo di 12 di October di año 1492 en busca di un ruta nobo pa India, Columbus ta descubri un continente nobo pa Europa. Cu esaki ta inicia e historia di prome encuentro entre pueblo nan Europeo y Indjan y nan diferente Cultura y ley. Na fin di siglo 15 riba 16 di mei di año 1499 Alonso de Ojeda, Juan de la Cosa y Amerigo Vespucci a sali pa explora e costa nort di Venezuela y islanan den e aria aki. Siglo 16 a ini-




cia cu e prome documento y mapanan di Juan de la Cosa y Mapa Cantino 'anonimo' di e aria cual aparentemente nos isla ta aparece cu e nomber 'isla de Brasil' y Isla de Gigantes' pero e prome mapa cu e nomber di Aruba riba dje tabata di Oliviera. E cartanan di Vespucci ta describi e bialhe y e exploracion di un isla chikito di gigantenan.

E obra di Juan de castellano ta dedica algun couplet na e isla di Aruba y na e Caquetonian describiendo nan como 'gigantenan' door di nan tamaño, compara cu e otro Indjan nan den e region aki aunke cu for di Juni año 1500, e reynan di España a aproba e ley di libertad pa e pueblonan indjan, lamentablemente e ley aki a bira un ley di papel cu a keda ignora. A converti nos isla den un isla completamente bandona ora cu nan a hiba e habitantenan pa traha como esclavo den mina y plantacionnan na e isla 'Hispaniola' awor Haiti y 'Republica Santo Domingo' cu e pretexto di bay siña nan cultura, idioma Spaño y e religion cristian. E prome administracion di ley Spaño cu a reemplaza esun di india, cu Aruba a conoce e tempo ey tabata di e Spañonan, Alonso Ojeda y Juan d' Ampies, kendenan a trece e indianan bek nan isla. Aruba tabata cay bou capitania di Corsou of conquiste Corsou.

E prome administracion Hulandes na Aruba ta data di año 1636 di e 'Nederlandse West-Indische Companie' bou di e nomber Corsou y Nieuw Nederland. Na año 1667 a nombra e prome comandeur, un Irlandes sigui pa un Belga. E pueblo Arubano tabata depende di padernan Spaño di Indjannan for di coro, Venezuela, e madre patria spiritual di Aruba. Na año 1750 nan a construi e prome kapel aki na Aruba cu ta kapel di Alto Vista. For di 1636 pa 1754 nos isla a ser uza como un sorto di reservacion pa colonialistanan blanco establece nan mes.

E diferencia entre e Indjannan di Aruba y e indjannan di Estados Unidos di Merca ta cu esun di Merca si a ser reconoci como un nacion indjan, cu nan propio teritorio y nan a haya ciudadano Americano, nan tin pues un dobel nacionalidad, Americano/



Indjan, Mientras e nacionalidad Arubano te cu awe no ta reconoci den reino. Den siglo 18 a inicia e cinco revolucionnan cu a trece e cambionan grandi y a bira base di nos civilisacion di awe. Nos por menciona e revolucion intelectual industrial, Americano Frances y Latino America. Civilisacion a conoce un avance drastico riba tur tereno. A cuminsa di



Capitán Alonso de Ojeda

oro a establece un industria di fosfaat cu a permiti Aruba carga tur gasto di impuesto di 'Colonia Corsou' of Corsou en Onderhorigheden'. Na año 1845 a bini cu un reglamento di orden nobo, Surinam y Colonia Corsou' mientras cu na 1865 a resalta cu tin poco relacion entre Aruba y Corsou.

Desde 1845 Antias Hulandes tabata

forma un teritorio gubernamental cual na 1986 a split den dos teritorio. E mando tabata den man di "West Indische Companie". E Hulandesnan a establece nan mes aki y hunto cu nan a yega e padernan catolico. Despues di un atake di Venezolano riba 'Waterfort' na Corsou, a dicidi di staciona un cuerpo di marinier y un marina real na Aruba y Corsou. Nan a yuda Aruba durante segunda guerra mundial na año 1944. Na 1893 a entrega peticion pa haya derecho di voto y na 1894 imprenta a yega Aruba. Esaki tawata comienso di siglo 20 tabata tin hopi pobresa aki na Aruba y hopi Arubianonan a bay traha na otro paisnan den nos region pa asina por a cria nan famia. Nan a bay entre otro Cuba Venezuela y algun otro luga den cercania.

Na principio di 1900 comercio di Aruba a protesta cerca gobernador cu tabata di bishita na Aruba, contra e trato duro y secundario cu e tabata ricibi for di Corsou, esaki tawata sin resultado of cambio pa Aruba. Na año 1924 era di petroleo a cuminsa na Aruba cu establecimiento di e refineria LAGO na San Nicolas den Colony Seroe Colorado cu mas o menos 2000 bungalow pa empleadonan Americano y Europeo. Obregonan di tur parti di mundo a invadi nos isla. Lago e tempo ey tawata e doño di trabou mas grandi na Aruba. Un danki grandi ta bay na Escritora y autor di e historia aki Sra Gloria Philomena Croes y tambe na Archivo National Historico cu a ofrece nos e documentonan aki pa nos por a duna nos pueblo di Aruba un tiki historia di nos pais Aruba. □